



ARONGA PŪKENGĀ

- Te whiu
- Te hopu

TE UAU




HE AHA ĒTAHI ATU PŪKENGĀ E WHAI WĀHI ANA PEĀ

Nukuhanga – Oma, tētahi taha ki tētahi taha & Pūkenga Tirotiro.

KIA HORO TE WHAKAARO – HEI KIMI MĀU

- Akiakina ngā Kaikuru ki te whakaaro ki te wāhi e rere ai te pōro, ā, me pēhea te aukati atu
- Akiakina ngā Kaikuru ki te whakaaro ki te wāhi me tae atu rātou ki reira hei aukati / kohi i te pōro.
- Akiakina ngā Kaikuru ki te whakaaro ki te turuki ki te keonga, ā, me pēhea te piū i ngā ringaringa.

WHAKARITENGA



TĀTAU KI TE TĀKARO

- Whakamahia he koeko hei whakarite 'kēti' keonga tētahi e aro ana ki tētahi
- Ka ngana ngā Kaikuru ki te whakapīrori i te pōro kia hipa ai i te hoa Kaikuru (te kaitiaki), ka rere ai mā roto i te kēti.
- Me tū tonu ngā waewae o te kaitiaki ki waenga i ngā koeko. Ko tāna mahi he aukati i te pōro kei hip ai a ia.
- E whiwhi piro ai, me whakapīrori te Kaikuru i te pōro ki tua i te kaitiaki, ka haere ai mā te kēti.
- Me pīrori te pōro ki te papa (e pai ana kia kotahi te turukitanga ki te keonga).
- Kātahi te Kaikuru ka whakahoki i te pōro hei kaiwhakapīrori, ka ngana ai ki te piro, ā, ko te Kaikuru tuatahi te kaitiaki.
- Me whai kia nui rawa ngā piro i roto i ngā pīroritanga 10 ki tēnā, ki tēnā Kaikuru.

TAPUTAPU



Koeko. Pōro (iti, nui rānei).

TE ROA O TE WĀ



Kia 10 miniti ki te mahi nei.

RŌPŪ KAIKURU



Rōpū iti, rōpū nui (takirua, tīma rānei), ka mahia rānei ki te kāinga ki tētahi atu.


UARA

(Whāngai kupu ki ngā Kaikuru)




PONO

Me pēhea te Kaikuru e pono ai i a ia e tākaro ana i te kēmu nei?



TAUTOKO

Me pēhea te Kaikuru e tautoko ai i tāna hoa, i tōna tīma rānei i nōna ka tākaro?



MAHI TAHI

Me pēhea ngā Kaikuru e mahi tahi ai nō rātou ka tākaro?

WHAKAREREKĒTIA

- ⊖ Whakanukuhia ngā kēti kia tawhiti atu ai tētahi i tētahi, ka roa atu te wā ki te kōhi i te pōro.
- ⊖ Whakamahia he pōro nui ake.
- ⊕ Me hurihuri ngā Kaikuru kia rerekē ai te hoa tākaro.
- ⊕ Whakatūria he ārai ki waenga i ngā Kaikuru tokorua.

HAUKURUA



Whāinga – ka whakamahi ngā Kaikuru i te ringa ngoikore kia tāruatia ai ngā piro ki te Pikinga Kaha.



Riri Rangatira – Kaikuru v Kaitaki / Kaiako / Kaiako Kura / Whānau.



Horo te Pā – Whakawhānuitia te kēti kia ngāwari ake ai te piro (engari whakahaua kia kaha te aro ki te nukunuku, ki te kōhi i te pōro).

UARA KAIKURU

(Wānanga tahi me ngā Kaikuru)

- He aha ētahi o ngā huarahi i mahi tahi ai koutou ko tō tīma i te rangi nei?
- He pēhea tā koutou tautoko tētahi i tētahi?
- He aha ō mahi i pono ai tō ngākau?



He pai taku mahi tahi / tautoko / pono



He pai tonu au



Kāore au i mahi tahi / tautoko / pono



KIMIHIHIA ETAHI ATU
KŌRERO :)



KEI WAREWARE TE PĀTAI KI NGĀ KAIKURU



- Mihia te pai: He pai ki ahau tō...
- He ngāwari ake te hopu i a koe e oma ana, e tū ana rānei?
- He pēhea te āhua o ō ringa i a koe e hopu ana i te pōro?
- Me pēhea te whakapīrori i te pōro ki ngā wāhi wātea?